



GIUSEPPE CABIZZOSU

BIBLIOTECA

www.giuseppcabizzosu.it

Mario Demontis

(Sassari 1961 -)

Poesie scelte in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Mario Demontis

(Sassari 1961 -)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Mario Demontis

(Sassari 1961 -)

Di Ossi. Figlio del poeta estemporaneo Serapio Demontis. Poeta *a taulinu*, partecipa a vari concorsi letterari di poesia *in limba*.

Poesie di Mario Demontis

Sardu so

Sardu so, e nde so fieru
amo limba e traditziones
coros,e ballos a tenores
cun poetes a beru a beru.
sardu so, de su logudoro
de mandrolisai,su meilogu
sardu so,de ogni logu
dae sa marmilla a nugòro.
sulcitanu so e gadduresu
so tataresu e de mesania
so de su trexenta e baronia
so campidanesu e ozastresu.
so fizu, de cust'amada terra
de nuscòs,galana e digna
mama mia ses sardigna
chentza odios, ne cun tierra
de montes e mare ses colore
giuradu t'apo, s'eternu amore..

A malos policos

Inùe est sa tua mannesa
Cando passas cheres s'inchinu
No ses santu ne divinu
Ma che issos at sas pretèsas
Da meda cabiscio sutzas tue
Che unu porcu t'ingrassas
Avantzos a niùnu tue lassas
Sa fine ischimus de sa sue..

Mario demontis.

Bentu de paghe

1

Sula èntu su meu pensamentu
faghelu òlare peri su mundu
giughelu a chie est infundu
in baddes umbrosos e iscuros
brinca cussos altos muros.

2

Chirca cuddu tempu immentigadu
beranos chi mudant sos colores
tanca cun profumados flores
cuddas terras a paghe semenada
chirca de sa vida s'istrada
chi pagos ant agatadu.

3

Chirca cuddos valores umanos
sas istrintas de manu de s'amigu
cuddos orrios pienes de trigu
totus unidos a s'hora 'e chena
a lughe de umile cantilena
a iscultare sos antzianos.

4

Giughe èntu su meu pensamentu
a in'ue bad'odiu semenadu
mai siada incunzadu
sas gherras faghe sensare
a manu tenta faghelos leare
de su male no restet ammentu.

5

Oe èntu so cuntentu
una die noa est comintzada
cudd'istrada l'ant agatada
de paghe e semenada sa terra
s'amore at binchidu sa gherra
como finidu est su meu turmentu.

Chentza briglia

Curre su meu pensamentu
In tancas de libertade
Lontanu dae sa vanidade
Chentza afannos ne turmentu
Isoltu e chentza briglia
Brinca muros de ispera
Sebèra de paghe sa caminera
Ide de su mundu sa meraviglia.

Mario Demontis
20 marzo 2011

Funtana de olimutos

Olimutos funtana tantu cara
Cantu sidi tue as iscatzadu
E cantos pannos at samùnadu
Cun s'abba tua, frisca e giara.

Como sa uca ti l'han serrada
Custa noa zenìa a tie ingrata
No ischin mancu chi t'agata
E ses triste, s'ola e abbandonada.

Mario Demontis

Sa frina

In cussa die 'e fine istiu
suta su nuscù 'e sa binistra
in s'oru de su mare
lassende nos dae sas undas ninnare ..
incuminza su sonnu nostru
Sos ojos tuos de columba
falant dae sa muntagna
est un'incantu su faeddare tou
sas laras tuas, de coraddu .
Est unu pasidu bentu a sulare
sa frina 'e sa die ifusta de lentore .
E cando t'apo aferradu..
non t'apo pius lassada
Die de cuntentesa pro su coro
pasculende in sos giardinis de s'amore.
Finas a s'ultimu suspiru .
Totu intundu ses mutu.
E cun tegus..sa paghe apo agatadu...

S'amore de unu cane

Como ses triste chentza padronu
Est mortu e tue ses restadu solu
A t'ider degai nd'apo meda dolu
Ses in pienu istadu de abandonu.

Tue l'aisètas a note e a de die
Isperende chi potat torrare
Sididu e chentza mandigare
Se mortu tue aisetende a mie.

Mario Demontis

S'arbure de s'ispera

Ammento ène cussas die
Meda tristes po a mie
Fudi in'ierru bi fu su nie
Vivimisi in dun'altura
Isolado intro sa natura
Babbu mama cun a mie.

Funt tempos de guerra
Mortos in d'ogni logu baia
Su tedescu meda avantzaia
In domo unu est intradu
A babbu ada isparadu
Mortu e rutu a terra.

Dadu lamu degna sepoltura
In cussu logu tantu amadu
Meda triste e diventadu
Un'arbure postu aia a dimora
Solu chentza fozas ancora
Fizu dei cussa altura.

Poi giutu no can lontanu
In campo de concentramentu
Cantu fumu òladu dae su èntu
Pigaiada e falàia, chentza pasu
Fu chirchende s'ultimu asu
Da unu mundu piusu umanu.

Poi sa guerra e sessada
A domo semus torrado
Cussu logu frimmu e restadu
In mesu ai cussa tritura
E creschidu s'arbure in s'altura
Meda isperantza ti dada.

Como e mannu e rigogliosu
Guardianu de una sepoltura
Testimonzu de tantas penùra
Sinnu de unu crasa mezore
Po dare frutos de amore
A unu mundu nou e meravigliosu.

Mario demontis, 20-marzo-2011.

Ses triste

Inue est su tou sorrisu
No t'ido pius serenu
Dai uca ti essit velenu
Ses triste a s'improvisu.

Una 'olta fusti cuntu
Cantasti in sas messera
Trabagliaisti fintzas a sera
Afrontaisti s'abba e bentu.

Ses tue su meu imperu

T'amo tantu, oh mia reina,
De castellu su meu tesoro
Frisciadu intro su meu coro
Fidele a tie su re s'inchina.

Su meu imperu ses tue
Che roca ses sos pilastros
Lontanu tenes sos disastros
S'amore nostru mai nd'e rue.

Mario Demontis
20-marzo-2011

Tue podes

S'amore est fiza de caridade
S'odiu est fizu de sa gherra
Meda nemigos in sa terra
Da lontana antighidade.

Ma tue podes sebèrare
Cun su modu de agire
Tue podes su male finire
S'amore fagher trionfare.

Mario Demontis
20-marzo-2011

Yara delicadu fiore

Como est in paradisu
Cussu tèneru fiore
Delicadu in chirca de amore
Tue as'istudadu su sorrisu
Caìnu frade assassinu
A su male ses fidele
Cun su ene ses crudele
No fùisi a su tou destinu.

Mario Demontis

A sa muda

Ti ses avviada
Comente unu bisu
In sa dipidida
De s'ultimu risu,
Pesada
ti nde ses rea,
Libera
dae sas peleas,
e como est boida
cussa cadrea,
Bantzigat
Comente un'unda,
Chi in druches ammentos
Mi che mundat.

Terra mia

Cando atesu a tie penso,
terra mia galana,
M'istringhe su coro
De tristura,
su pensamentu.
Si pesat in bolu e fitianu
Indebbadas ti chircada,
non est unu fogu
chi s'ada at istudare,
cussa fiara atzesa
Chi apo intro su coro,
chi s'isolve in lagrimas
che oro
disizende unu cras de torrare.
Sardigna
non ti poto pius immentigare
de sa vida mia ses
su brazzolu
sos nuscus tuos
su consolu
ateru non poto fagher
che
t'amare.

Sarda bellesa

Ses de bellesa sarda
rara galana druche e ispantosa
biada a chie t'ada
isposa e fidele
a curzu t'imbara.

De s'onore ses sa fiara
che isteddu ses lughente
t'apo in coro,
e in sa mente ses pro me
tantu cara.

A donzi noa avreschida
bolat a tie su pensamentu
unu asu t'imbio dae su bentu
sienda istimada de vida.

Pius t'abbaido in fotografia
pius, su coro meu s'abbolota
proo indebada jambare rota
ma ido a tie sempre imbia.
totu in s'indiferentza mi rue
nudda m'atira o m'ispanta
l'isco as narrer canta canta
ma a mie piaghe solu tue.

baina e triste
oe sa die pioe
ranzola e tira bentu
de sole unu raju apo tentu
pro poder lughentare
a tie.

Ne undas ne bentos

Cando ti sentis in'altu bolare
de vida nd'asa sos cuntentos
a favore ti parent sos bentos
chi ti paret su chelu de tocare.

Tando che lampu morit su risu
dae sa notiscia chi as retzidu
che lama su coro t'ada ifeschidu
e in'inferru s'invostat su paradisu.

una disaura a babbu m'at furadu
su tempu aia cherfidu frimmare
pensas dae sonnu de d'ischidare d
e lu bider galu a tie abbratzadu.

ma sa realtade non fuet, ne si cua
Mi ponet inbia lagrimas e dolore
De me, non tenet dolu ne amore
In acassos mi lassat, non m'atua.

mancu su tempus at a cuscjare
cussa ferta manna e profunda
ne undas e bentos che la munda
cant'isto a benner a t'abbratzare.

Lamentu de una mama

No m'abbandones fizu meu
no mi dies cussa triste sorte
no mi cundannes a morte
ca de a mie, no faghes impreu.
Tue ses, de noas sarda zenia
comente mai, non mi faeddas?
Caddos setzis de ateras seddas
las curres totus mancu sa mia.
Immentigadu as sas raighinas
de cuddu fieru popolu sardu
chi altu altziaiat s'istendardu,
ses atesu dae tancas e muridinas..
non imprea pius cicia e frustanu
ses tentu contu e meda istruidu
ateras limbas as pessighidu
li naras primavera a su beranu.
su sardu pro te est ruzu,
non giua mezus limba anzena
de faeddare t'auguro totus
de las contivizare ma ti prego,
non boches sa tua.

Sa oghe tua

Ti chirco istanote,
a sa luna li pedo
de mi estire de lughe
pallida,
benzo a ti chircare
non so sonnu,
in sonnors tuos ma,
malisciosa realtade,
acarigno sos tuos pensamentos
chi chircant sos mios,
e ti serento sa mente,
ischidende sos sensos tuos
chi ant sidi de a mie,
intro in sos chizone de s'anima tua
chi assiscuru de sa note mi lea,
golosu de atie,
assazo sa pedde tua,
surdu de amore
aisculto sa melodia de sa oghe tua,
e pedo a sos'isteddos
de ti lughentare sa cara
Chi calienta su coro meu
cando mi faghes unu risu.

Sa limba sarda est sa mia

E fit dae totus contivizada
Cun cantos, ballos e poesia
E in d'ogni logu fit faeddada
Dae babbu a fizu tramandada
ca fit orgogliosa cussa genia
a sa propria limba bi tenia
E meda fieros la teniant bia.

Chelos nieddos

In cust'andala de sa vida,
bòlant columbas e abiles
in chelos nieddos ierriles,
e curret forte su bentu
in sas baddes e canale
chen'assentu,
cun muidas de lamentu.
s'intendent Itichirrios in totue
de zente e animales,
a su fue fue.
Su chelu dae unturzos famidos
s'annua non b'at pius cuerros
pro niunu ne siddados custoidos.
s'est isoltu,
su chi fit presu acurzu
su chi fit atesu, e como
In cussu mundu tou
de ruina sovranas
rignant, mudidines e chescjna.

Unu cantu

In sas aeras intendo unu cantu
De un'amore mai immentigadu
De unu frore mai cumpridu
E nde morzo dae su rimpianu
Bisende serente su mare
fisti bella che luna
e ancora las intendo sas undas
Su bentu ti carignaiat sa cara
Su sole ti lughentaiat su risu
Solos suta sos isteddos abbratzados
A su sentidu nostru abbandonados
cuntentos nos pariat altu bolare.
Dae tando est iscura sa vida mia
Non fato che pensare a tie
ti fisso cun sa fotografia in manu
E s'allumma torra su coro meu
Intro unu fogu mi turmenta
Tue las atzesa s'anima mia istudada
Cun d'un'ispantosu iscopiu de amore.